

貞松老人外集

貞松老人外集卷三

上虞 羅振玉

顧亭林先生金石文字記書後

亭林先生所錄諸碑別體字疏舛甚多有正字而以爲別體者有以不誤爲誤者如孔彪碑拚馬顧先生以拚爲拯之別字案拚字見說文引易用拚馬壯吉是拚馬字本當作拚非拯之別體李仲璇修孔廟碑夤賓先生以夤爲寅之別字按夤賓之夤訓敬說文夤敬也惟干支之寅作寅是夤賓字本當作夤非寅之別字澤王府主簿梁君墓誌主簿亭林先生以簿爲簿之別字按說文無文簿之簿古簿字皆作簿簿非簿之別字神策軍聖德碑大特勤勤沒斯亭林先生以勤爲勒之誤字案契苾明碑亦有莫賀特勤他碑均作特勤無作特勒者亭林以唐書作特勒乃以碑書皆誤此以不誤爲誤也又禮器碑土仁蓋士人之假借而亭林先生注曰疑受禪表璿機先生以機爲璿之別字按璿璿字本作旋機蓋其體能旋轉字本作機璿乃珠璿字機非璿之別字魏孝文弔比干文窠樹號英風窠即窠別字又

嗟人生掄多殃掄即旋之別字而亭林先生于窠掄字皆注曰
疑南陽寺碑惚峰虧構惚即腦別字而亭林先生亦注曰疑此
又一時之疏也以亭林先生之博雅尙有此誤考據之不易如
此

羣經字類跋

羣經字類殘卷第一二高郵王石隴先生撰乃手自繕寫書法
端厚予藏石隴伯申兩先生手校廣雅疏證故知此爲石隴先
生手筆書本五卷依韻編次今卷三以下已佚不知世間尙有
別本否此書未刊行不爲藝林所知戊午冬在北京寶瑞辰侍
郎爲介得之同鄉某姓並得文簡手寫應制詩卷及讀文選
劄記皆手寫本也聞尙有他著作以行程匆促不及徧觀爰將
此書付之影印異日當再訪他遺箸並擬遵原書體例補成後
三卷但草草勞生不知何日償此願也已未春

海鹽澱水志跋

澱水志八卷明嘉靖中董穀重刻後附穀所撰續志九卷前有
董穀重刊序謂求傳寫數本參互考訂始獲其全卷第蓋一仍

常氏之舊並廟諱抬行亦依宋人原式鹽邑志林所刻併爲二卷以一至六爲上卷七八爲下卷並佚卷八末二葉稅亭即事以下詩七首足徵善本在明代已難得矣董志亦詳贍有法傳本尤少此爲兔床先生舊藏前有先生手書簽題書眉亦有手校數處卷首有朱馬思贊印戲村子仲安吳郎三印末有吳兔牀書籍印拜經樓二印末有先生手題朱識二行云溆浦吳爲龍號知希秋圃中丞孫箸書甚富有再續溆水志稿藏其元孫寧家是此書尙有再續不知曾刊行否卷首董序後有嘉興唐蕉庵手錄羅叔韶序及常榮自序二篇乃自鹽邑志林遂寫者又有鷓安校勘祕籍印此書蓋由馬寒中歸吳兔牀唐蕉庵得之吳氏予又得之唐氏後人也 馬仲安先生一字叔靜號寒將又稱寒中海甯人雍正癸卯進士收藏至富竹垞題跋嘗稱宗人寒中葉氏昌熾藏書記事詩謂寒中殆本姓朱氏今觀此書小印稱朱馬思贊印並箸原姓是寒中原姓朱之確証矣

萬柘坡元氏略稿本跋

宣統紀元八月聞法人伯希和君獲敦煌石室祕書往觀並見

張介侯先生批校栢坡先生此書伯君迫欲返吾友王君靜安以二日力臨寫於此本上予校讐一過而還其原書焉

高鏡亭墨刻印譜跋

此卷首題高鏡亭不知何許人癸卯正月得之金闈書肆卷中多國初名宿名字印則高亦國初名手技術雖不甚高然在當日自稱作家異日檢印人傳正續編當有其名也此君當是皖人以其所作印卜之當不誤否則學皖派者耳

三峯集跋

三峯集高麗鄭道傳撰道傳高麗史有傳筮仕於王李易姓之際而爲李氏佐命以文章名當時而卒以事誅蓋功名之士也此集刊於成化間近甚難得高麗屢經國亂古書流傳日希百年前刊本已自可貴矧此已將五百年乎壬戌五月借觀並題記

居易初集跋

大集敬讀一過字字從性真流出刻刻以利物爲心洵當代第一等文字後生小子若得日誦此編則成德不難矣昨議餘上

農工頗有不易就緒勢然天下事以甯武之愚行之終當大償所願也戊戌仲夏

戊戌年中國農產物貿易表跋

右戊戌年中國農產物貿易表乃陳逸如大令從西人各報輯譯而參以海關稅冊者表中所載農貨出入瞭如列眉其持論謂中國農事之不修由於士夫不講農學及無工商輔農故不能起其業此語精確可爲韋弦之佩昔西人有觀東方商務而評論中國與日本將來商業之衰旺者謂日本商務必突過中國日本以機器入口製造其土貨爲品物而輸出之中國則以原料輸入他國他國以製物品復輸入焉此其所由分也此論精核與此表所言殆足鍼吾之膏肓識之以告秉鈞者幸留意焉己亥冬十月

黔蜀種鴉片法跋

黔蜀種鴉片法一卷不知何人撰旣刪潤授之梓爰書其後曰鴉片之害中國人人知之種煙獲利之厚亦人人知之故今倡禁煙者日少謂宜廣種植者日多玉竊以爲大惑也倡廣植鴉

片之說者意謂中國種產日盛值亦日廉印土之輸入者將日寡欲救利權捨是末由非不知鴉片之流毒蓋不得已也其實廣植以敵外貨之入實非上策有人於此堂榭樓觀壯麗完固鄰之無賴者日折其檻以爲薪主人病之而無如何於是有進策者謂盍亦盡摧其戶牖門闥而自爨之庶免利益之他適於是廣庭夏屋條焉俱盡今欲杜利之外溢而不顧自賊自斃何以異於是雖然今欲令民罷植鴉片民必不從何也鴉片之利數倍於植穀今乃勸民捨煙而植穀是猶奪其千百而與以一與十夫誰從必擇一物利埒于鴉片或且過之者諭令徒業意者其信我乎攷種植之利過鴉片者莫如樹桑約計地一畝可莖百八十株三四年後每株售葉可得錢三百是每畝獲值百萬餘若能自蠶利且倍每畝之獲將十萬以視種煙之畝得萬餘錢已沾沾以爲利莫與京者相法何遠哉且以種煙與種桑較桑之利有三煙之害亦如之種桑之勞力少種煙之勞力多種桑如法無不活者成林以後歲食其利不必歲歲種之一也種煙逢歉歲多種桑逢歉歲少種煙成敗決於割漿之時雖平

日滋長暢茂割時若值久雨即無纖毫之獲二也種煙之家吸煙者恒過半自種自吸已去其利之十二三何如種桑之有利無弊三也又以種煙之地與種桑之地較貧富就江浙兩省言之若浙之象山江蘇之徐州產煙非不富利亦非薄也以視湖州其民則有原顏陶猗之殊何也種桑之害少種煙之害多也聞近來印度植煙之處政府令其改植桑茶木棉印度爲鴉片起點之處彼已翻然改圖而我仍冥然不知變計而日竭脂膏於一呼一吸之間腦筋何太頓耶惟煙田改桑田亦有難焉者桑之利在三四年後令民驟改民將有忽近圖遠之疑今議民有田三畝者令二畝植煙一畝樹桑三年以後桑林既成亟興蠶利蚩蚩之民日覩桑利厚於鴉片且數倍彼植煙之二畝將不令而自改但必須官紳協力將煙田編籍行三畝改一之法若象山徐州等地果實力奉行三年將有桑數十百萬株于焉立繭廠學織造其利可勝計哉茲述此書而發斯議起而行之在賢有司勿負言者之苦心孤詣斯可矣丁酉八月

宣統辛亥二月山陽丁衡甫中丞出繆藝風參議段笏林廣文所撰青主先生年譜屬爲增補兩家所製殊簡略因別撰此譜青主先生大節略可見矣謝山先生所作傳最能傳先生心事然事實疎舛實甚爲一一正之

唐風樓藏墓誌目錄

玉年十有七始治金石學三十以前蓄古今石刻拓本才千餘通其中六朝以來墓誌二百餘三十以後奔走四方略有增益近年殿門無俚復加搜求所得三倍於昔去年春入都以來益復無俚日檢校石刻以消歲月篋中舊藏墓誌頗多散失復哀集之僅百餘種乃以一歲之力購求所得合之舊藏得五百餘通稍稍富矣而昔賢所箸錄者所缺尙多姑寫定目錄續有所得當別錄之丁未秋

三國志殘葉跋

西陲文物沈埋土中者以燉煌石室所藏發見較早然最先者不能逾魏初且多梵典吐魯番古卷軸出土較晚中多高昌遺迹往在海東見大谷氏光瑞所得陳之所居二樂莊者有兩晉

人書然亦梵典耳此三國吳志雖僅存數尺而傳世卷軸之最古者莫逾於是矧可見張鍾筆法並可證今本之失豈非人間有一無二之鴻寶耶謹書卷尾以誌眼福乙丑三月

敦煌本論語集解殘卷跋

論語學而未數章及爲政篇凡五十行尾題論語卷第二後有題識二行曰大中五年五月一日學生陰惠達受持讀誦書記曰貞明九年癸未六月一日莫高鄉文未書體甚粗率譌奪頗多

然以校刊本知此卷所據之本淵源甚古如未若貧而樂道樂上有道字與皇侈本唐石經高麗本同卅而立三十作卅與漢石經及高麗本同人焉瘦哉人焉瘦無句末哉字與漢石經同舉直措枉錯作措與釋文所載鄭本同奚其爲政不重爲字與釋文所載一本同子張問十世可知無句末也字與釋文所載鄭本同又其諸異乎人之求之與注明人君自願與下今本作

明人君自與之皇本作明人君自願求與爲治也與此略同三十而立注有所成立諸本無立字皇本有之與此卷合五十而知天命注知天命之終始閩毛北監三本終始作始終文選闕

居賦引集解亦終始與此卷同足正閩毛諸本之失回也不愚
注說釋道義釋文及北監本毛本作說釋皇本作釋與此卷同
此卷書拙殆出鄉曲陋儒之手而尙可訂正文字此唐本之所
以可貴也 又顏淵篇二十一行書迹稍工民字缺筆爲中唐
寫本經文中君子之德風也小人之德草也兩句末多也字與
皇本高麗本合舉直措諸杆錯作措與敦煌鄭注本及釋文或
本合向也今本作鄉也鄭注殘卷及皇本高麗本作嚮也此作
向與嚮同忠告以善導否則止鄭注殘卷作忠告□此字殘善道否
則止皇本高麗本作忠告而以善導之否則止均與此略合草
上之風必偃注草上加以以風與鄭注殘卷合壬戌暮春得此
於江陰何氏因與卷二殘卷同付裝池合爲一卷並書其後九
月十有四日

巨然山居圖卷跋

山水畫至五代而大成以董北苑爲南方大師淋漓浩瀚如臨
溟渤而登泰嶽雄奇不可一世巨師從受衣鉢氣魄不讓於師
而化其縱肆處爲深穆清和精粹如春江花月挹之不盡顧董

蹟傳世者平生所見七八幀巨師真蹟僅一二見而已此卷尤爲巨師傑構下筆如古篆籀筆墨之痕俱化洵傳世巨師真蹟第一往歲曾藏大癡江山勝覽卷後有徐守和題清逸粹穆亦不見筆墨痕以振南中水災讓契海東友人恒念之不去懷今觀此卷知大癡全從巨師得法而浩瀚超逸究遜于巨師此時代使然不可強也

趙子固墨蘭卷跋

此卷殘本寫墨蘭二叢旁有荊棘墨筆清潤雋妙入神與予舊所藏彝齋蘭譜筆墨正同無題署下方有橋西草堂印畫後元明人題跋九家曰郭麟孫曰陳方曰錢良右曰陳基曰朱梓榮曰湯彌昌曰錢達曰釋本中曰吳寬陳方跋後又題二詩一詠蘭一詠蕙知此卷兼畫蘭蕙殆蘭存而蕙逸其歛殆在蕙後也匏庵跋載匏翁家藏集卷五十三題曰跋趙彝齋畫蘭蕙則此卷云蘭存蕙佚於匏翁集又得一證矣橋西草堂乃馬士英印予藏馬瑤草山水上鈐此印則蕙之佚殆在明之晚季予平生篤愛子固畫去年冬彝齋蘭譜鬻以振直北水災念之恒不去

懷今乃無心得此殆彼蒼隱以償我之失耶爰書尾以志之戊

子春三月

予每得書畫不喜檢前人箸錄頃偶檢鐵網珊瑚及書畫大觀錄則均有趙子固蘭蕙卷鐵網珊瑚詳錄諸跋與此卷畧同惟多李皓蔡一鶚龔璫陳大有蔡景傳姚翥唐升張適盧熊趙友同十跋而少匏翁跋書畫大觀與鐵網珊瑚同但少郭麟孫一詩以此卷與彼互勘文字頗有異同此卷湯彌昌詩後附注趙子固號彝齋郭祥卿號寄齋鐵網珊瑚則無之知二書所載別是一本其款云春濃露重地煖草生山深日長人靜透香子固云宣城有宗叔居水陽亦以此得名可容小侄在雁行否翔齋試寫寓土畧之凡四十八字文詞鄙拙全不可通彼本未嘗寓目雖未敢決其必偽而以此卷畫迹及諸家書迹觀之則決非後人能彷彿什一者此固有目者類能知之無俟予言矣六月十日又記

方正學憶釣舟詩册跋

此册去年春得之滬上前有正學先生遺像朱椒堂先生題字

鐵某庵先生象贊日月昏神鬼泣浩氣冲地天塞三宮火十族赤先生墨迹十六行字

逕二寸末署洪武丙子二月廿四日青山小隱枕瀑澗一葉垂綸幾沂沿後浦春風隨興去南塘秋雨有時眠慣衝曉霧驚羣雁愛曉殘陽入

亂煙迴首無人寄惆悵九衢塵土困揚鞭後有嘉慶丙子番禺劉樸石彬華跋嘉慶丁丑翁覃

溪先生題七古一章彭邦疇陳希祖楊懌曾三跋吳荷屋朱椒

堂等題名汪守和錄陳眉公求忠書院碑記據跋知此册乃順

德人家破墻所得葉雲谷先生以六百元得之翁詩後言嘗見

董文敏所作松江書院求忠祠記載有徐公善安以浙江僉事

奉詔收方氏族脫其娠婦又云吾郡三方有元又云復姓始末

吾友陳布衣能言之云云據此知正學有後而深惜其所言不

詳盡茲觀方君所錄陳眉公記則始末甚詳盡載先生抗命時

魏澤以刑部尙書謫寧海尉受詔捕方氏幼子德宗垂九歲澤

匿之有台人秀才余學夔者乞食唱歌於市以諷澤澤知其義

士乃密托德宗於余入松江島嶼中歷青村諸鎮以織網貿米

得活余又潛入郡屬祠部郎俞允護翼焉時先生弟子任勉聞

之與余陰相往來允妻以養女冒俞氏恐同姓賈禍乃改余轉

徙白河鄉學夔乃遠遁德宗三子俞生者友直友諒繼許生者

友竹子孫繁衍具居華亭萬歷己酉督學楊廷筠訪其事於司理毛一鷺一鷺訪之陳繼儒楊乃捐俸三百金馳檄立祠復其姓衣冠其大宗之孫顯節太守張九德華亭令聶紹昌乃立祠祠先生以魏公澤余公學夔俞公允任公勉徐公善安配焉云云據此知正學先生有後於明後嗣且昌大也識之以告世之留心史事者並彌潭溪先生之憾考此詩之作在靖難師入前才六年耳正學遺迹至少此海內之至寶矣丙午閏月廿五日

陶雲湖白雁圖卷跋

此卷三十年前得之白田喬氏丙午在吳中聞顧君雀逸

麟士

亦藏一卷互借相較知此卷畫真而匏庵篁墩兩跋乃贗作彼卷則跋真而畫僞與謀合併出巨金購兩跋顧君意猶未饜乃解之曰一寶其畫一寶其跋可也遂一笑而罷今聞顧君老且病舊藏恐不能保而予亦以桑海餘生萬事灰冷記其事于此尚冀他日好事君子之有力者謀爲延津之合也甲子二月贗古書畫者往往以一卷爲二于真畫易僞跋以真跋移僞畫此卷兩跋上有喬介夫先生名字印知僞跋之作乃明末國初

時所爲也

沈石田山水册跋

石田先生仿宋元四家山水册合南北宗之妙而爲一治工力兼擅與溷陽端忠敏公所藏九段錦册異曲同工九段錦册已歸海東今沈庵宮保得此可謂亡羊補牢借觀匝月書識眼福

癸亥三月

此册作于成化丁酉時先生年五十一予近得城東舟寓圖亦作于是年神似王孟端暇當取示宮保與此册並几共賞之

王文恪公畫像疏稿卷跋

明季吳中文章節義之風甲於宇內實由王文恪吳文定諸公爲之首倡而文恪立朝大節尤冠絕當代其文采餘藝亦彪炳天壤間每展觀遺跡令人肅然起敬此卷爲公遺像並自書疏稿公之裔孫君九學部所藏學部與予同官國變以後遞世津沽間不媿公之子孫於是益知公流澤之永也嗚呼士君子立朝則繫天下之安危在鄉里則爲後賢之矜式又能使數百年後之雲初守清徽而不替其關係於世道人倫顧不重哉

喬忠烈公詩翰卷跋

此卷古近體詩凡八章末署喬一琦書近作下鈐喬一琦印及喬氏白圭二印明史劉繼傳後附記公事迹謂公字伯圭上海人以萬曆三十一年武舉歷官游擊將軍監朝鮮軍與劉綎并抗大兵軍敗入朝鮮營朝鮮都元帥姜宏立副元帥全萬瑞率衆降公投滴水崖死見明史贈都督同知我朝乾隆四十一年賜諡忠烈見松江府志方志謂公少任俠膂力過人好走馬擊劍工書善詩此卷雖吉光片羽然風雅可以概見松江府志藝文目不載公集明詩綜江蘇詩徵亦不載一什是人間僅存此卷耳予曩藏公爲人作壽序卷以貧不能守鬻以繼炊茲卷當以甚宏碧血視之不敢復失矣

趙忠毅公詩翰册跋

古詩二章行草書堅勁如屈鐵想見公之爲人行篋無忠毅集不知曾載集中否公詩名重一世而書迹傳世甚少能不矜爲枕祕乎

又詩翰卷跋